

**PELAKSANAAN PEMAKAIAN PEKELILING PERKHIDMATAN SUMBER MANUSIA (MYPPSM) CERAIAN SR.1.2.2 DAN SURAT PEKELILING PERKHIDMATAN BILANGAN 15 TAHUN 2007 : BAYARAN PAKAIAN ISTIADAT, BANTUAN BAYARAN PAKAIAN BLACK TIE DAN BAYARAN PAKAIAN MENGHADIRI UPACARA RASMI DI UNIVERSITI TUN HUSSEIN ONN MALAYSIA**

**1.0 Tafsiran** berkaitan Pekeliling Perkhidmatan Sumber Manusia (MYPPSM) Versi 1.0 (2022), Ceraian SR.1.2.2 adalah sebagaimana berikut:

- 1.1 **Pakaian Istiadat** – Pakaian upacara rasmi yang direka khas untuk sesuatu perkhidmatan.
- 1.2 **Pakaian *Black Tie*** – Pakaian separa rasmi barat (sut / jaket / tuxedo) yang dipakai untuk majlis makan malam. Komponen Pakaian Black Tie kepada pegawai wanita adalah baju kurung / kebaya berserta selendang atau pakaian petang (*evening dress*) termasuk beg tangan dan kasut.
- 1.3 **Pakaian Menghadiri Upacara Rasmi** – Pakaian Kebangsaan atau *Dark Lounge Suit* bagi lelaki atau pakaian yang bersesuaian bagi wanita semasa dikehendaki menghadiri upacara rasmi untuk menerima bintang atau pingat dalam Majlis-majlis Istiadat Pengurniaan Bintang dan Pingat Persekutuan / Negeri atau bertugas rasmi di Parlimen atau Dewan Undangan Negeri.
- 1.4 **Pasangan pegawai** bagi maksud menghadiri upacara rasmi adalah merujuk kepada suami atau isteri pegawai.

**2.0 Kelayakan** bagi kemudahan bayaran pakaian istiadat, bantuan bayaran pakaian *black tie* dan bayaran pakaian menghadiri upacara rasmi ini adalah sebagaimana berikut:

- i. Pegawai Perkhidmatan Awam yang mempunyai Pakaian Istiadat layak diberi Bayaran Pakaian Istiadat dan boleh memilih untuk menggantikannya dengan Bayaran Pakaian Menghadiri Upacara Rasmi.
- ii. Pegawai Perkhidmatan Awam yang tidak mempunyai Pakaian Istiadat dan dikehendaki menghadiri upacara rasmi untuk menerima bintang atau pingat dalam Majlis-majlis Istiadat Pengurniaan Bintang dan Pingat sama ada di peringkat Persekutuan atau Negeri layak diberi Bayaran Pakaian Menghadiri Upacara Rasmi.
- iii. Pasangan kepada Pegawai Perkhidmatan Awam yang turut hadir dalam Majlis-majlis Istiadat Pengurniaan Bintang dan Pingat sama ada di peringkat Persekutuan atau Negeri layak diberi Bayaran Pakaian Menghadiri Upacara Rasmi.
- iv. Pegawai Perkhidmatan Awam Gred 41 dan ke atas dan Kumpulan Pelaksana Gred 29 hingga 40 yang diarah bertugas di Parlimen atau Dewan Undangan Negeri sebagai Petugas Harian layak diberi Bayaran Pakaian Menghadiri Upacara Rasmi.
- v. Pegawai Perkhidmatan Awam yang dikehendaki memakai Pakaian Istiadat semasa menghadiri upacara rasmi layak diberi Bantuan Bayaran Pakaian *Black Tie*.

### 3.0 Kadar Bantuan Bayaran Pakaian

- i. Kadar bagi Bayaran Pakaian Istiadat, Bantuan Bayaran Pakaian *Black Tie* dan Bayaran Pakaian Menghadiri Upacara Rasmi adalah seperti berikut:

BIL.	KEMUDAHAN	JENIS PAKAIAN	KADAR (RM)
1.	Bayaran Pakaian Istiadat	Pakaian Siang dan Pakaian Malam (Mess Kit)	3,500.00
2.	Bantuan Bayaran Pakaian <i>Black Tie</i>	Pakaian separa rasmi barat	1,000.00
3.	Bayaran Pakaian Menghadiri Upacara Rasmi	<i>Lounge Suit /</i> Pakaian Kebangsaan	650.00 (pegawai)
			450.00 (pasangan)

### 4.0 Kemudahan ini adalah tertakluk kepada syarat umum seperti berikut:

- i. Kemudahan diberi setiap tiga (3) tahun sekali;
- ii. Tuntutan bayaran balik hendaklah disokong dengan resit dan maklumat mengenai jemputan ke upacara rasmi yang berkaitan atau surat arahan bertugas di Parlimen/ Dewan Undangan Negeri; dan
- iii. Penggunaan kemudahan ini hendaklah dicatatkan dalam Buku Perkhidmatan pegawai.

**5.0** Berikut merupakan **syarat khusus** berkaitan tuntutan melibatkan:

**5.1 Pakaian Istiadat**

**5.1.1** Pakaian siang dan pakaian malam boleh dituntut bersekali atau berasingan dalam tempoh tiga (3) tahun;

**5.1.2** Pegawai yang telah diberi bayaran pakaian istiadat tidak layak menuntut bayaran pakaian menghadiri upacara rasmi dalam tempoh tiga (3) tahun yang sama; dan

**5.1.3** Tempoh tiga (3) tahun dikira daripada tarikh tuntutan yang pertama sama ada pakaian siang atau pakaian malam.

**5.2 Bayaran Pakaian Menghadiri Upacara Rasmi**

Kemudahan ini diperuntukkan kepada:

**5.2.1** Pegawai Perkhidmatan Awam yang hadir sebagai Penerima Pingat/ Bintang Darjah Kebesaran di peringkat Persekutuan atau Negeri;

**5.2.2** Pegawai Perkhidmatan Awam Gred 29 dan ke atas yang dikehendaki hadir bertugas sebagai Petugas Harian di Parlimen atau Dewan Undang Negeri;

**5.2.3** Pegawai yang menerima bintang atau pingat dalam Majlis-majlis Istiadat Pengurniaan Bintang dan Pingat Persekutuan/ Negeri dan membawa pasangan bukan Pegawai Perkhidmatan Awam, tuntutan Bayaran Pakaian Menghadiri Upacara Rasmi bagi pasangannya hendaklah dikemukakan kepada Jabatan pegawai. Bagi pasangan

yang merupakan Pegawai Perkhidmatan Awam tuntutan perlu dikemukakan kepada Jabatan masing-masing; dan

**5.2.4** Tempoh tiga (3) tahun dikira daripada tarikh tuntutan yang pertama sama ada bagi pegawai ataupun pasangan.

## **6.0 Pemanjangan Kemudahan Bantuan Bayaran Pakaian**

- i. Kelayakan tuntutan bagi Pakaian Menghadiri Upacara Rasmi dipanjangkan untuk Pegawai Perkhidmatan Awam Gred 29 dan ke atas yang diwajibkan hadir di dalam Majlis Hol Negeri Johor.
- ii. Pemanjangan kelayakan kepada Komandan, Timbalan Komandan, Pegawai Kehormat dan Pegawai Bersekutu Badan Beruniform adalah dicadangkan untuk dikekalkan mengikut ketetapan dan kadar yang telah diluluskan terdahulu sebagaimana berikut:

<b>BIL.</b>	<b>KATEGORI BADAN BERUNIFORM</b>	<b>KATEGORI PEGAWAI</b>	<b>JUMLAH BAYARAN</b>
1.	Badan beruniform yang merupakan sesuatu perkhidmatan sebagaimana berikut: i. PALAPES / Askar Wataniah (Angkatan Tentera Malaysia)	i. Ahli Jawatankuasa Eksekutif yang dilantik sebagai Komandan / Timbalan Komandan / Pegawai Kehormat / Pegawai Bersekutu ii. Staf dalam Kumpulan Pengurusan dan Profesional <b>SAHAJA</b> yang dilantik sebagai Pegawai Kehormat	RM 1,500.00 untuk tempoh 3 tahun sekali

BIL.	KATEGORI BADAN BERUNIFORM	KATEGORI PEGAWAI	JUMLAH BAYARAN
	ii. SUKSIS (Polis DiRaja Malaysia) iii. SISPA (Jabatan Pertahanan Awam) iv. RELASIS (Jabatan Sukarelawan Malaysia) v. Kor Siswa Bomba (Jabatan Bomba dan Penyelamat Malaysia) vi. SISKOR (Jabatan Penjara Malaysia)		
2.	Badan Beruniform lain: i. PENGAKAP ii. Bulan Sabit Merah iii. Pandu Puteri	i. Ahli Jawatankuasa Eksekutif yang dilantik sebagai Komandan / Timbalan Komandan/ Pegawai Kehormat / Pegawai Bersekutu	RM 750.00 untuk tempoh 3 tahun sekali

BIL.	KATEGORI BADAN BERUNIFORM	KATEGORI PEGAWAI	JUMLAH BAYARAN
		ii. Staf dalam Kumpulan Pengurusan dan Profesional <b>SAHAJA</b> yang dilantik sebagai Pegawai Kehormat	